

北洋官報

本局第一百六期 法政學報 已出

宮門抄

六月十七日 度支部 宗人府 正白旗值日 莊王等由 西陵回京請 安 端方得 賞寶

星謝 恩 湖南道朱益濬謝 恩 分發道府傳增清等謝 恩 劉廷琛續假二十日 豐深請

假十日 召見軍機 澤公 端方 朱益濬

諭

六月十七日內閣奉

上諭前據給事中高潤生奏參呂海寰等容隱私人敗壞路政各節當經諭令那桐確查茲據查明覆奏津浦路局總辦記名道李德順乘便營私不顧大局激動公憤清議不容候選道張鑑阿附逢迎卑污無恥蠅營苟有玷官箴均著革職永不叙用並發往軍台効力贖罪候選知府錢錫霖一聞提傳希圖脫逃迨到案又復供詞閃爍私纒纒著革職永不叙用並發往軍台効力贖罪候選知府錢錫霖一聞提傳希圖脫逃迨到案又復供詞閃爍該員聲名甚劣貪婪狂悖無所不為著革職驅逐回籍交地方官嚴加管束商人高錫九借地納賄李蓮溪奔競營謀均著遞解回籍不准再向路局包運包工呂海寰身為督辦於一切支款用人事前既不能防範事後又失於覺察著交部議處幫辦大臣孫寶琦視事未久知有弊端告知前督將李德順撤差倘非始終受其蒙蔽著毋

目錄

宮門抄
上諭
奏請直督奏二四兩鎮請撥餉項摺
民政部奏測繪學堂畢業摺
江督端奏津浦鐵路建橋片
甘督升奏以工代賑片
鄂督陳奏設自治研究所摺
公牘
天津道詳一件
磁州詳一件
文告三則
電報六則
新聞十則
彙編
光緒三十四年郵政事務情形總論

庸置議前直隸總督楊士驥既知人之明難辭濫保之咎著撤銷太子少保銜餘依議欽此
上諭呂海寰著開去督辦津浦鐵路大臣著改派徐世昌督辦津浦鐵路事務並著派沈雲沛幫辦欽此
上諭雲南雲南府知府員缺緊要著該督於通省知府內揀員調補所遺員缺著左滯補授欽此
上諭甘肅蘭州府遺缺知府員缺著李廷慶補授欽此
上諭奉天錦州府知府員缺著豫敬補授欽此

奏議錄要

署直隸總督那奏陸軍二四兩鎮餉項不敷請

飭部籌撥摺

奏爲陸軍二四兩鎮餉項不敷懇請 飭部籌撥以資歸墊而濟軍需恭摺仰祈 聖鑒事竊查光緒三十三年分北洋陸軍二四兩鎮收支餉雜各款計不敷銀三十五萬四千餘兩即據糧餉局詳請奏咨撥補維時前督臣楊士驥因奏銷尙未達部未便請撥飭令暫行設法挪墊現在前項報銷已由楊士驥開單奏報經部覆准據糧餉局詳稱前項不敷之款均係挪借墊付已屬無計彌補三十四年又復入不敷出兩年併計虧短較鉅請將三十三年分不敷之項先行撥補前來奴才查陸軍二四兩鎮餉項原有的款本屬收不敷支三十一二等年由鐵路餘利暨津海關道子口稅項下撥補銀一百餘萬兩此時鐵路餘利既難指撥而津海關道頻年收數短絀正稅子稅已墊至八十餘萬之鉅其餘藩運各庫騰挪應急羅掘早空實在無可挹注伏思餉項係計口授食之需刻不容緩各軍士懸甑待饜點金乏術現值需款萬繁之秋惟有籲懇 天恩飭下度支部迅速籌撥銀三十五萬兩以資歸償而濟軍需除咨部查照外謹恭摺具陳伏乞 皇上聖鑒訓示謹 奏宣統元年六月十三日奉 硃批度支部速議具奏欽此

民政部奏測繪學堂畢業請獎摺

奏爲測繪學堂現屆畢業援章請獎恭摺仰祈

聖鑒事竊維國之根本首重土地臣部疆理一司實專掌天下

之方輿適值籌備立憲凡整理經界劃分區域考正圖志等事在在均關緊要祇以向無測繪之學又少精審之圖遂致全國形勢無從洞悉一切措置動多隔閡前因臣部職掌所係故特設測繪學堂一所以預儲此項人才所有該學堂開辦情形於光緒三十三年六月奏明奉 旨允准在案嗣於三十四年五月舉行第一次畢業因學生程度尙淺復選擇優等學生五十名留堂研究高等科學本年五月又屆畢業之期業由臣等加派部員會同

該學堂教員等分門考試評定分數現已一律完竣查該學堂設立以後因本部需才甚急其每日授課時間輒增至八小時之多而年假暑假內仍復照舊上課以期速成是以畢業期限雖僅兩年而學生程度實較肄業三年者有過之而無不及又於每星期內飭該管理員等督同學生分赴城內外各處爲實地之練習現已繪成京師海甸南口等圖開方紀里均極明細洵屬成績昭著足資應用查學部奏定章程凡普通專門各學堂無不酌給獎叙用資鼓勵今測繪學堂爲臣部所特設尤未便令其向隅擬請比照三年畢業之學堂減等獎勵以平均九十分以上爲最優等獎給八品錄事或八品警官分歸臣部及內外城巡警總廳候補不及七十分以上爲優等獎給九品錄事或九品警官分歸臣部及內外城巡警總廳候補不及七十分爲中等祇發給畢業憑照咨回各該原省差遣俟臣部將來會同各省測繪輿圖勘正經界時即專用此項人員所有中等學生効力三年後亦可由該省按照成績酌量給獎其管理人員暨各教習督飭練習始終罔懈不無微勞足錄可否一併援案給獎之處出自 聖裁所有臣部測繪學堂畢業請獎緣由理合恭摺具陳伏乞 皇上聖鑒訓示謹 奏宣統元年六月初六日奉 旨依議欽此

兩江總督端方奏津浦鐵路請修轉橋片

再准爲四瀆之一經流千里向無橋梁平時帆船如織自皖達揚凡土貨之輸出引鹽之上運皆出其途此次津浦鐵路勘由鳳陽府之蚌浦渡淮議建梁橋以通軌道雖工費較造活橋爲省然舟楫往來阻滯甚多且於皖豫水利亦極有妨碍疊據安徽紳商及淮北票販湖販等先後具稟籲請改修活橋以利航運當經派員帶同熟諳路工之洋員格林森前往勘議茲據覆稱淮河發源於豫之南境至信陽以上乃通舟楫衆水匯注其流甚巨京漢鐵路造橋渡軌係在上游尙於行船無碍其下游因向無橋座故來往大小船隻其桅杆皆水堅而不下今若建造梁橋則民船行經是處必須卸去貨物乃能下桅而過費時失利於航業商情均有不便審度形勢宜改造極高之平橋其價值並不過昂於路工亦無妨損等情前來奴才查淮河係南北商船及鹽船通行之路若在蚌浦建造梁橋不獨於行船水利均有阻碍卽淮北鹽運亦必大受損害關係國計民生實非淺鮮今該洋員詳細查勘議請修建轉橋工價既不甚昂似可酌量改造應請 旨飭下督辦津浦鐵路大臣詳加勘度妥籌定議庶於路工航利兩有

裨益除咨部查照外是否有當謹會同安徽巡撫臣朱家寶附片具陳伏乞 聖鑒訓示謹 奏宣統元年六月十三日奉 硃批著督辦津浦鐵路大臣會商該省督撫籌辦欽此

陝甘總督升允奏甘肅蘭縣屬新城西固城一帶開渠引水以工代賑片

再查甘肅蘭縣屬之新城西固城一帶地畝甚多因土脈乾燥大半荒蕪即開墾成熟者收成亦薄如遇雨澤稍缺率慮顆粒無收坐地利殊覺可惜該處濱近黃河第苦岸高水深倘設法引水開渠可資灌溉故大學士左宗棠督甘時有見及此曾經勘估開挖未告成功事遂中輟上年夏間天旱迭據該處紳耆等聯名稟懇籌款開渠以續左宗棠未竟之功當飭司局委員測勘動工修浚並飭司先由董福祥捐助款內提銀十萬兩撥節動用如或不敷另行籌撥奴才明知欲興此項水利費鉅工艱惟值去今兩年皋蘭一帶旱災奇重饑黎待賑方殷與其虛擲銀糧何如以工代賑倘能引水灌田固屬萬世之利即使未必成功亦可藉活災民甚衆應由護督臣隨時酌核辦理並飭司將此項渠工用款歸入賑案報銷外謹附片陳明伏乞 聖鑒謹 奏宣統元年六月初十日奉 硃批知道了欽此

湖廣總督陳夔龍奏鄂省遵設自治研究所摺

奏爲鄂省遵設自治研究所謹陳明辦理情形恭摺仰祈 聖鑒事竊臣恭讀本年正月二十七日 上諭前

經憲政編查館奏定頒行分年籌備事宜本年各省均應舉行諮議局選舉及籌辦各州縣地方自治設立自治研究所選用公正明慎之員紳一律依限成立等因復承准憲政編查館咨宣統元年三月十六日軍機大臣欽奉

諭旨憲政編查館奏核覆自治研究所章程繕單呈覽一摺著依議欽此各等因並刷印原奏清單咨行到鄂臣惟地方自治之制其散見於經傳者如周時比閭族黨之法漢代三老嗇夫之名已具規模我 孝欽顯皇后

德宗景皇帝特沛綸音與民更始推行自上觀聽咸孚直隸江蘇兩省奉 旨先行試辦鄂據天下中

樞地居衝要風氣早開上年二月間經前督臣奏設全省地方自治局臣到任後即議及事屬創辦當以造就自治人才爲根本要義惟其時自治專章尙未准民政部奏定頒發因先於法政學堂附設自治研究班分飭各屬選送士紳來省入學又由該局設立武漢公民養成所爲試辦自治之預備計自上年四月開辦十二月一律畢業初基

略具推廣宜先始正名爲自治研究所額定大縣五人中小縣四人由各廳州縣咨送候試正飭辦間欽奉 諭旨頒行城鎮鄉自治章程並查照憲政編查館原奏將原局歸併諮議局籌辦處附設全省地方自治籌辦處專理自治各項事宜方原局未經歸併之先各屬奉飭申送士紳紛紛雲集臣按之憲政籌備清單自治研究所章程須俟 欽定頒行後始能遵章設立因飭由該處先行修葺房舍延委教員並將各屬申送候試各生定期考驗凡應行預備各端大略就緒奉到憲政編查館核覆章程益有依據計先後取定正取二百六十九名又另取備取十五名以備臨時傳補自治一事關係全省公益其有未經申送而來處遞稟請考者復酌取二十七名作爲旁聽生所列講授科目均遵照館章第五條所開各項作爲主課並酌加財政學經濟學各國自治大要數門爲補助課分別派員教授布置大定卽於四月二十四日舉行開學是日臣親率司道蒞所行禮莘莘諸子冠帶咸集當諭以朝廷疊頒明詔實行好惡同民之微愷並訓以首須認明自治名義繼須守定自治範圍申徹再三諸生咸環聽鼓舞而退鄂省自治研究所至是始告成立至該所擴充辦法自當查照館章俟第一屆研究士紳畢業卽派赴各本廳州縣辦理自治研究所統限宣統二年二月以前一律設立其各屬士紳自願照章設立者在省城由自治籌辦處察核詳請備案在各廳州縣由該管官察核批准申報該處備案又凡各屬士民未能分入各該所研究者則由該處發行校外講義並督飭各員編輯地方自治淺說分發各廳州縣卽以研究卒業各士紳擔任分途講演蓋以各屬分設研究所佐省設研究所之不及又以校外講義分途講演助各屬分設研究所之未逮將使各省士民無一不涵泳濡育於自治之中而於公家籌辦之初佐理不患無才經費無須多款期於事半功倍剋限觀成以仰副 聖朝殷殷倡行自治之至意除將自治研究所專章暨教員執務規則學員管理規則編發講義規則咨呈憲政編查館查照外所有遵設自治研究所情形理合恭摺具陳伏乞 皇上聖鑒謹 奏宣統元年六月初十日奉 硃批該部知道欽此

公牘錄要

天津道詳委員查明霸州歲修六郎堤情形文並批

爲詳覆事竊於宣統元年四月二十九日奉 前憲台楊批據霸州稟覆六郎堤情形並懇派員查辦緣由奉批據

稟已悉仰天津道委員前往查明稟由該道妥議詳辦稟抄發此繳等因奉此遵卽札委候補知縣丁起鵬前往查明妥議稟覆去後茲據丁令稟稱遵卽束裝啟程於五月十二日馳抵霸州勘得該州城南濱臨大清河向有六郎堤一道以爲保障歸民間分段認修由來已久隨至州署與該州劉牧會晤調齊原卷傳集有關該堤各村莊村正副到案詳加察訊其近堤各村均願修築並無異詞惟大柏林莊村正劉悅等僉稱此項堤工因昔年被大清河南水之患得邀賑撫皆修此堤是以隨同認修近年伊等村莊未被南水只防渾河北水是以上控懇請免其修築等語詰以近堤之桑園牛各莊等村倘遇漲發北水亦受其害因何均願認修此堤該村正劉悅等則以彼等村莊距堤甚近伊等各村距堤較遠並無益處爲言狡執不顧大局及訊其上控牛德蔭田心泉等串通工房家丁稟催修築借堤圖利以及包攬詞訟打牌飲酒各節該村正劉悅亦未能供指委係砌詞妄控復經卑職再三開導曉以利害該村正等亦卽俯首無詞惟間有一二人仍以不肯修築爲詞一味混狡此中顯有爲首主謀之人伏查該州六郎堤工自老堤村起至宮各莊止計長三千餘丈共分二十五段民捐民辦該村正劉悅均在二十五段之內分段公修歷年已久有案可稽查光緒三十二年據柏林等村莊辛壽等以請免築堤等情控蒙委員會同前州錢牧擬以釜底抽薪之法令近堤村莊立一堤工局由局撥夫經理並飭柏林等十村量貼錢文嗣因各村推諉與訟經前州周牧酌議將距堤較遠之柏林等村應修地段酌減三成撥歸近堤村莊加修其餘七成每年由官勘估折價交州催夫修築均經稟明有案本年該州劉牧以柏林等村折交錢文猜疑易起改由各該村自行撥夫工作原爲防弊起見乃劉悅等竟藉口此堤距村較遠所居地勢稍高受害爲淺砌詞上控抗不遵辦此等刁風萬不可長卑職再四籌思悉心核議應請仍令柏林等村循舊分段自行赴堤工作以符向來辦法而免他村效尤尙再執迷不悟藉詞阻抗應由劉牧酌懲示儆稟候示遵俾免貽誤要工似於慎重堤防保衛治安兩有裨益是否有當伏候批示祇遵等情據此職道復查霸州境內六郎堤工向係分段歸民間認修由來已久前因柏林等村距堤較遠經前州將各村應修工段酌減三成撥歸近堤村莊加修其餘七成令各村折價交州催夫修理旋改由各村自行撥夫工作已屬格外體恤乃劉悅等竟得步步進步砌詞妄控殊屬不合應如該委員所議仍令柏林等十村循舊分段自行撥夫修築以資捍禦而免效尤除稟批示外理合具文詳覆 憲台查核批示祇遵爲此備由具呈伏乞照詳施行

督憲那 批如詳辦理仰卽飭遵圖存此繳

磁州黃牧祖戴詳奉飭擊辦行竊道釘賊犯實在情形文並批

爲詳報事宜統元年四月初十日蒙 憲台札飭以准 郵傳部咨開等因(原咨已錄前報)到本大臣准此查磁州境內京漢鐵路木道釘屢被匪徒偷竊節經飭緝在案茲准來咨該州馬頭鎮南北一帶復有賊匪糾衆搶竊竟致持刀開槍拒傷工人情形較前愈重若不從嚴拏辦何以儆兇頑而保路政應飭該州迅派幹捕查照單開各匪按名嚴密查拏務獲從嚴究辦以示懲儆並由大名言鎮飭派弁兵一體妥爲協緝仍將實在情形稟覆核辦除分行外札飭該州遵照辦理計抄單等因蒙此正在遵辦間復於四月十三日蒙 憲台札開據統領練軍署大名言鎮稟稱等情(原稟已錄前報)到本大臣據此除批據稟已悉磁州境內京漢鐵路道釘從前迭被偷竊今復敢兩次行竊拒傷小工殊屬目無法紀候飭該州卽將實在情形稟報核辦一面迅派幹捕勒限嚴緝各案賊賊務獲從嚴懲辦以儆兇頑仍隨時認真保護勿再疏忽並候札行臬司一體飭遵至嗣後該管鐵道兵丁往拿果被正賊放槍拒傷勢在急迫准其格殺勿論如係尋常互毆並無軍火兇器卽不得以此科罪惟仍須格外慎重不得濫斃人命切切此繳等因印發並分行外札州查照遵辦等因隨先飭承檢查閱二月十一十三等日並無鐵路監工郝敏來州稟報被匪偷竊道釘棍傷工人王計明並用七槍放傷王振清及被捉去工人一名用鐵器毆傷各案據且查先後憲札內據監工郝敏所稟被匪行竊時日情形核與練軍程哨官登洲所稟不甚符合又查抄單內開之匪犯郭明遠卽郭彬元楊小豬張寶子三名業經卑州於未奉札飭之先一併獲案訊明分別嚴責枷號並罰充苦工懲辦在案卑職並無百計推却及懲辦不力情事不知該監工郝敏何所見而云然卑職於此等匪徒迭經諭飭差捕協同大名練軍妥善拏辦是以時有破獲未曾釀成事故誠如鎮憲所稟該匪徒等殆與小工積嫌成仇致有公然拒捕情事斯言諒非無因惟其中究係如何情形卑職亦難懸揣至單開未獲各犯卑職於奉札之下遵復選差幹捕勒緝去後旋於四月二十日據原役協同大名練軍拏獲單開夥賊沈吉保子李五子邊米貴子三名並單內無名風聞亦有行竊踪跡之鄂秀一名一併送案前來卽經卑職提驗均無拷刺痕跡訊據沈吉保子供稱伊係州屬河北村人年四十六歲家有老母幼女從前向推小車營生自伊父故後伊隨種地度日并不爲匪亦無行竊道

釘情事諒被仇人誣指只求查察據李五子供稱伊係州屬木鼻村人年三十三歲家有老母兄弟伊向在糠糖舖傭工夜間常在舖內住宿并不爲匪亦無行竊道釘情事只求詳察據邊米貴子供稱伊係州屬高叟村人年二十四歲家內無人平素鐵匠營生於本年二月間伊纔由山西回歸有大名練軍令伊作眼綫辦過案子并無行竊道釘情事諒因辦案被仇人妄指求詳察據鄂秀供稱伊係高叟村人年三十五歲家有老母平素種地度日是日伊給人在地割麥即被獲案伊并不爲匪亦無行竊道釘情事只求詳察各等語卑職當以沈吉保子供顯係恃無證據均各狡賴復向匪等切實嚴究供仍如前竊思沈吉保子等既被鐵路監工郝敏指請拏究諒必均非善類雖均狡供不認亦未便輕予開釋且州屬馬頭鎮一帶既時有匪徒行竊道釘甚至糾衆持械開槍拒捕傷人此等情形殊堪痛恨誠如 憲諭若不酌量嚴懲何以寒匪膽而保路政當經卑職將沈吉保子等四犯一併重責鄂秀因單內無名予以從輕枷號兩個月沈吉保子李五子各枷號三個月均在署前示衆惟邊米貴子係單開首賊察看情形又甚刁滑應予從重處治將其押赴鐵道枷號六個月以示懲儆統俟限滿再行察酌辦理除再添差比捕勒限嚴緝逸賊沈祿保子等務獲究辦外所有此案實在情形及查卷差緝獲犯懲辦緣由是否有當擬合具文詳請 憲台查核示遵

督憲那 批查行竊拒捕向照盜案辦理勘驗稟報蘆漢鐵路料件係屬官物匪徒肆竊拒傷捕人情形較尋常行竊拒捕爲重即使該州未據報案而事後不能諉爲不知况已迭奉札飭乃并不傳驗補勘訊明通稟其先獲之郭明遠等既據訊明究竟是否拒捕之犯應得何罪又不錄供詳辦率照自理詞訟枷責發落後獲之沈吉保子等更無有自認口供亦復含糊示辦理種種不合應將該署州記過一次仰即查照將當時捕賊并受傷工人傳案查訊明確補行勘驗分別稟報一面將各犯疏枷訊明確情據實辦理仍嚴緝逸犯務獲究報并候行司註册一體飭遵繳

文告錄要

督憲批示錄要○永定河道稟河水盛漲暨搶險平穩由 批據稟已悉伏汛方長仰仍會同張道督率廳汛加意防守務保無虞此繳○礦政調查局詳陳全福等覓具保單每年應購開礦炸藥減改半噸自應准其購運請核

咨由 批據詳已悉候咨 農工商部查照轉咨 陸軍部核覆飭遵繳

濬台啤示○已故候補縣丞尙捷奎家人王升稟請回籍路費 查病故人員柩眷無力回籍賞發路費原定章程如在外府州縣病故以及曾經署缺補缺之員概不支給久經照辦在案今該故員尙捷奎雖據稱在省病故並未補署缺分究竟有無代理過缺分來稟內並未聲明又未具其同鄉官印結同送所請賞發路費未便率准仰該家人王升遵照據實稟覆並取具同鄉官印結附送再行核辦毋違

天津縣議事會議覆公告○劉慶雲說帖爲依勢欺人不循情理懇求會議公允代判冤抑事 議覆說帖閱悉事關民事爭議既經成訟本會照章不能核議此覆○南鄉蔡家台村副吳得位王家台村正程天澍說帖爲據章程敬懇代達輿情以蘇困累事 議覆說帖閱悉查此案已據前次說帖交董事會調查如果查有實據自當代爲申訴所請代爲投稟之處本會無此辦法原稟即應取回此覆○前同知銜四川補用縣丞藍述銘說帖爲地畝轉轄事 議覆說帖閱悉此案既稱曾在董事會遞有說帖應即靜候董事會辦理本會無從詳議至稱轉賣抽洋各節本會並無其事此覆○民人單玉祥說帖爲縷陳原委以昭實情仍懇秉公核議作速結案事 議覆說帖閱悉查此案迭經高等地方審判廳訊斷董事會調查本會核議該地確爲廟產而該民人投遞說帖竟至十六次之多持理又各不同是有尙不遵服之意姑再稟交董事會逐款調查俟覆到後再爲核議此覆

電報錄要

倫敦電○聞俄國現預備喀魯噶宮爲波斯廢王居住之所該宮係前克里米亞王所舊居波斯廢王現由恩塞利并巴庫兩地方經過往該宮居住聞該廢王每年有進款五萬鎊云

又電○英政府對於克里德島問題宣言土耳其國因此島問題極力反對希臘政府實係不合公理

又電○俄國陸軍大佐理克赫夫氏現仍統帶駐紮波斯兵隊聞現有俄兵六千人駐紮波京以外各處保護商民組約電○俄國駐美公使羅善男爵現調爲駐奧公使所遺駐美公使之缺以巴克米底夫氏補授按羅善氏於日俄決裂時充駐日俄使後於議和時充副使

又電○美京電云美國農商大臣報告美國森林之樹木或由砍伐或被焚燬調查今年共失去五萬五千萬至八萬五千萬之數然考該森林內之樹木較往年生長之速約有三倍

舊金山電○美國曠洛威斯敦(墨西哥海灣)大浪為災將各處之鐵壩均行冲毀水入鎮市房屋損傷甚多鐵橋以及電桿均被毀壞以致電報不通

新政紀聞

政治

八旗通知研究所章程○值年旗通知各旗云八旗總研究所已將次成立其研究會議章程希各旗共同議定云
考試謄錄之獎勵○吏部堂憲以各司謄錄自到差以來非常勤苦不給以相當之獎勵不足以服衆心聞此次取列最優等者全行留部以八九品錄事擬補實缺列入優等者均按原官分省概免繳分發銀兩取列中等者均以州吏目縣主簿分省試用云

派定江甯模範監獄人員○江甯省城建立模範監獄(即罪犯習藝所)業已工竣並經督院派委江甯府楊鍾義太守前署江甯府許星璧太守為提調補用知縣李嶽衡為正典獄刻已議訂章程詳請奏明開辦茲將派定各員名單列後 副典獄江甯縣典史艾聯芳 教誨師留日警監學校畢業生黃鳴酥 總務課長候補知州洪鼎棻 守衛課長留日警監學校畢業生田荆華 會計課長候補知縣詹亮晴 考工課長補用按察經歷陳宏名籍課長補用知縣李萃蘭 課員試用巡檢楊樹忠 管區長考職典史邱良弼候補從九諸立言 醫士補用巡檢吳培堯留日警監學校畢業生陸鍾駿

學務

教員研究會之決議○(續昨報) 修身科 提議 第一冊第七課王延係何時人 決議 王延字延元晉時

西河人 讀講經科 提議 遇關於修身之處就近人近事略為指示以啓發兒童之興趣何如 決議 可

實行 國文科 提議 第一冊四十二課黃魚味美此魚天津俗名何魚因何取名 決議 即天津所稱之

黃花魚 提議 商務館印行之教育雜誌載有國文教授案淺明精富適合兒童之心理可作教授之標準諸

公研究做行之何如 決議 可試行 提議 學生作文字畫時常訛寫如史寫作吏塾寫作塾珠江之珠寫

作泅誅之類亦有音同而訛寫者如建都作踐都顏柳作嚴柳之類竊謂此弊由於講授國文學生眼光未能注

定字形所致有預爲杜弊之法否 決議 應於相似之字並書於黑板其音同者務將字義講明 提議 高

等學生作文教員改畢擬先由本堂堂長詳細覆閱一通再行發落以期美善此法可行否 決議 可實行

習字科 提議 運筆務宜駿快勿令其有矜持之弊 決議 高等生宜令其駿快初等生宜斟酌行之 提

議 學生習字大楷應懸腕小楷亦宜善於移腕若只知用指不知用腕筆力決不能足以腕運筆之法可行否

決議 可實行 算術科 提議 學生算題作畢教員爲之改正有何法得有紀律且能周遍 決議 教

員出算題後下講台巡視見學生有錯誤者默記之俟學生算畢彙齊時教員將算錯之式及草一一書於黑板

令全班學生識認然後改正 提議 前次研究決議珠算兼習簿記法按簿記之式通俗皆用直行書寫近年

取用西法若郵政鐵路電報各局皆用橫行列表商務印書館編纂各種簿記書亦係橫行究應何從適用 決

議 應從俗直行書寫橫行寫法亦宜令學生知之 歷史科 提議 歷史教科書第一冊第十九課晉獻公

假道於虞以伐虢以通鑑及四書釋地攷之虞西虞也在今山西解州平陸縣統今河南陝州春秋列國興亡表

虞作河南歸德府虞城縣證之地圖殊於假道不合是否有誤 決議 虞應在山西解州平陸縣春秋列國興

亡表誤 提議 第三十四課秦襄王將白起相范雎(係昭襄王稷)下文襄王卒子政立(係莊襄王楚)祇稱

襄王渾若一人宜更正否 決議 宜更正

簡字學堂撥屋開辦○江蘇提學司樊學使奉到學部來文飭辦簡字學堂以廣造就及由學使議於暑假後先設

簡字師範講習所以備造就師資方可分設學堂茲悉學使以暑假在即亟須籌備方便開辦現已擬將護龍街

南三元坊前學務公所房屋撥出應所需經費已詳報撫院移請藩司撥給云

民 事

清查荒地充公辦法○江甯省垣上元縣高大令擬清查城內官荒基地給民承領充作公用等情稟奉督院批云

該縣現擬查擠城內官荒給民承領繳價充公作爲改良監獄及建造習藝所之用以公濟公自可照准惟城內

官荒坐落何處究有若干現擬如何查擠未據聲叙明晰且既稱民間冒領私賣已非一日辦理苟有未妥殊難

保不滋生事端應即飭由江甯府督同該縣覆加詳細查明妥籌辦法另籌核奪

醫學研究所宣講衛生○江蘇上海醫學研究所所以公衆衛生須由個人衛生入手人人能知個人衛生則公衆衛生自無阻力日前由綿貫醫院兼中日醫學校監院陳君漢翹宣講個人衛生內含生理理化等學精神煥發聽者鼓掌現在所董傳知各醫生均須入聽俾吾國醫學振興不致失敗云

詳請奏報各屬災情○浙屬霪雨成災據各屬紛紛電稟請賑多至十餘縣當經省憲派員會勘分別開辦急賑一面購辦籽粒給民補種兼售平糶茲悉藩司顏方伯以各縣被水成災區域較廣九重者爲杭屬仁和錢塘富陽餘杭嘉屬嘉興秀水海鹽平湖石門桐鄉湖屬烏程歸安長興德清安吉紹屬山陰會稽蕭山諸暨衢屬江山嚴屬建德遂安桐廬分水等縣先後報勘輕重不一業經分別委員會查即予賑撫剴切勸諭農佃趕緊設法補種外惟災區過廣與一隅偏災不同昨特開具清單詳請撫憲專摺奏報矣

路 礦

浙路第四屆股東大會○浙路股東於上月二十四五兩日開第四屆年會茲將當日認股情形補錄如下 自滬學會代表田澍霖君提議分局認股及報告收繳情形後經衆贊成首由杭屬報告舊年股款各府認定二千三百萬零杭屬原認一百萬現第一期已收至二十六萬有零五年期滿或將逾額次紹屬舊認三百萬第一期已收九十萬零並經孫福塔君報告紹興認額將來五年期滿我紹人無論變產破家亦必繳足如額次甯屬定額七百萬現已繳者百萬嘉屬原認百萬現已繳者二十四萬溫屬原認五十萬已繳者八萬零金衢嚴處四屬因代表未到未報告當時會場並有某股東報告議長言通益公紗廠欠解公款二十三萬零該廠把持數年獲利無算而官款迄未償利現在浙路公司需款綦急擬請公決提購路股云云議長言此係杭州款須杭紳董提議當經胡藻青君尤爲發起另日再開一府公會議決次由滬學會代表發起當場請各股東添認新股各屬認股者絡繹不絕衆情甚爲踴躍

咨飭預籌廣漢鐵路辦法○廣漢鐵路廢約一事前經郵傳部據情咨商來粵在案現該部以此事業經核定致電安帥謂註銷合同一事迭經咨由外部照會葡使現據該使照覆開列註銷合同當經商由外部核定惟該路工艱費巨將來隻股籌款定綫興築均應先事通盤籌畫臨時方免棘手希即迅行酌核情形妥擬具覆

貴陽係地廣人稀之郵界總局所有郵路增多一千四百里九江郵路竭力推廣新開郵路十三條計增多程途二千里蕪湖開有郵路三條南京開有二條鎮江開有七條福州郵界位於閩江分水之高原亦有極高之山隔絕三都澳廈門溫州甯波九江等處是以內地郵路均須經過山嶺崎嶇難行然猶新開郵路四條其程途增至五千一百里廈門郵界開有新路兩條汕頭五條所增里數與之相埒廣東廣西兩省郵路最爲推廣亦有極美之效果廣州之郵界所有郵路上年六千二百里增至七千八百里新開郵路二十七條其廣西歸廣州總局管理之梧州亦係如是之進步上年四千里增至八千里新開郵路十二條且開梧州桂林晝夜兼程之路計七百八十五里僅需八十點鐘北海龍州兩界亦經加意布置北海新開郵路三條龍州則自甯明州經過海淵以達上思開有郵路一條計長三百九十五里蒙自一界所有郵路現長九千四百里業將所辦之郵路再加整頓其整頓中之最要者即係自源江以達新興其意係將自雲南府至思茅之路因而縮短其次要者即係由猴鹽井以達元謀俾鹽井至會理之郵件免去繞越雲南府五百里之迂路旱路之外郵船之路照常亦有可觀光緒三十三年水程一萬八千五百里現增至二萬五千里重慶萬縣有船七隻辦理甚善惟不無爲難之處及危險之情形即如夏間在長壽縣地方船毀一隻郵件盡沉旋即打撈出水平日向上游行駛每次駛到約須七天至今其最快者約需五日十八小時更可感者所有重慶租界內之兵船管帶及教士商人等無不稱羨郵船之水手緣彼等實係郵政之忠僕工作既甚勤勞且有時不惜生命(上年夏間溺斃六名)以駛於譎變之長江峽灘等處萬縣駐有巡察司事一員其地適居宜昌重慶之中故由該兩處往來之船幫均於是處相會其兩幫內計宜昌有船七隻光緒三十四年共駛一百六十次經過郵路三十二萬六千四百里或約十萬八千八百英里重慶船幫共駛一百八十次經過郵路三十一萬六千八百里或約十萬五千六百英里岳州設有郵船往來長沙計長三百六十里其至常德五百八十里由常德至鎮遠一千五百十里通共經過郵路二千四百五十里漢口郵船之郵路計長一百四十里新開辦者則有田家鎮與武穴往來之郵船九江係用航船一隻於夜間往來饒州石鎮街兩處運送郵件鎮江上年用船五十三隻是年則用五十七隻折中計算每點鐘內駛行十里蘇州用有航船四十二隻之多經過郵路八百三十七里杭州用船四十四隻經過郵路二千里溫州三都澳福州汕頭均用民船往來該處之港汊廣州則有大幫之開發津貼

之民船共計七十七隻經過郵路四千四百二十一里更有特別快船二隻往來廣州佛山及廣州陳村梧州則有船十隻作為一幫至於鐵路則與郵政將來之進益實有密切之關係是年發達如常左列之表係據所調查者標明鐵路是年進步之勢

光緒三十四年已經開車及已修未竣之鐵路

郵界	省名	已經開辦鐵路	里數	已經開修鐵路	里數
北京	直隸	南口至懷來	七十五里	懷來至張家口	二百三十里
北京	直隸	北京至門頭溝	五十里		
開封	河南	鄭州至河南府	三百十里	河南府至潼關	四百八十五里
天津	直隸	天津口	一千八百里		
濟南	山東	天津口			
九江	江西	九江至南昌	三百里		
蕪湖	安徽	蕪湖至廣德州	三百四十里		
南京	江蘇	上海至南京	六百十五里	天津口	

救弱靈丹

有患血虧惡症之處女為韋廉士大醫生紅色補丸所救治
 大抵一家之中不免有一遺體羸弱之人爭存於世而貽家中人之憂者矣在昔英國歐采斯德之法笛噓路有裴
 伊士夫人者嘗論其女皮曲理司小姐因患血虧惡症身甚羸弱每日發厥數次觀其形勢業已絕望今則竟成為
 光艷康強之少婦所有一切血虧惡症胥被韋廉士大醫生紅色補丸驅除淨盡而歸於無何有之鄉矣皮曲理司
 裴伊士小姐自術其病狀云○余患血虛之症計三年之久身體羸弱每日發厥三四次幾瀕於死因血過虧肉
 消殆盡四支稍有動作便覺氣喘乏力心常志恹手若寒冰背覺凜冽冬夏皆然自維體寒若此痛楚難堪心如稿
 木死灰幾無所望又兼胃不消化艱於飲食雖有嘉肴不能享受有時胸痛異常頭痛如刺膽汁不化種之疾苦接
 踵而來令人不堪卒受雖曾試服多藥終毫無所濟人皆謂余不克久居於人世矣余母亦謂兒病若此若聽其



英國女子
 患血虧症
 為韋廉士
 大醫生紅
 色補丸所
 救治

因循而去終非了局當以韋廉士大醫生紅色補丸服之庶幾
 其有多乎或曰爾何以一旦思及此丸而與之試服母應之曰
 吾長女婦甯時見其妹皮曲理司如此病狀則曰母乎盍即以
 韋廉士大醫生紅色補丸與之服食乎請速勿遲吾故思及此
 丸也余即從命服食初覺未見其效及至第三瓶後覺三年內
 被血虛所纏頭痛身弱一切沉痾爽若失爰乃安心連服則見

精神日爽胃口日增雖食堅硬之物亦不憚其不他化身體溫和面轉色澤足證韋廉士大醫生紅色補丸已與我
 鮮紅之新血矣余一生從未覺有如今日之暢爽者若非賴韋廉士大醫生紅色補丸之功不將早為泉下人乎
 韋廉士大醫生紅色補丸已得千萬人之稱頌皆曰愈羸弱無血氣之婦女及乏力患腦筋病之男子均有奇妙之
 功用因其能將枯竭受饑之血管充盈鮮紅稠濃之新血固非他藥所能為也是丸不第能醫治血虧惡症且能醫
 治 腦筋失調 諸虛百損 少年斲喪 陽萎不舉 筋絡刺痛 猪羊癩癩 腎骹痠痛 左癱右瘓 腳氣
 衝心 山林瘴氣 以及婦女 月信不調 經來腹痛等症服之莫不奏效如神

中國各處藥局商店凡經售西藥之處均有代售或直向上海九江路B字第八號 韋廉士醫生藥局總發行
 處購買亦可價銀每六瓶大洋八元每一瓶大洋一元五角 遠近郵費一律不取

上海九江路 字第八號 韋廉士醫生藥局啟

商務印書館出版各書上海總發行所各省分館發售

中外政法要書

議員必讀

嚴又陵先生譯著

欽定大清會典 十冊 一元二角
 憲政大綱 三冊 三角
 議政局章程 三冊 三角
 各省諮議局章程 四冊 四角
 各省諮議局章程要義 二冊 二角五分
 諮議局職務須知 三編 三角五分
 第一編 二角五分
 第二編 二角五分
 第三編 二角五分
 諮議局章程表解 三角
 城鎮鄉地方自治章程 三角五分
 地方自治章程要義 三角五分
 日本議會法規 二角五分
 日本國議院典例 一角五分

欽定大清會典及事例 一百六十冊 二元二角
 大清光緒新法令 十冊 一元二角
 戴尚軍書 列國政要 三十冊 一元二角
 漢譯日本法規大全 八十冊 一元二角
 漢譯日本六法全書 一冊 一元二角
 警察講義 錄 十四冊 一元二角

各種彩色地圖 四冊 一元二角
 大清帝國全圖 一冊 一元二角
 大清帝國射圖 二幅 一元二角
 大清帝國總圖 一冊 一元二角
 甲種四元半 乙種三元 丙種一元八角
 甲種二元半 乙種一元二角 丙種六角
 甲種一元二角 乙種六角 丙種三角

各種法律類各書
 日本憲法學而憲政論 四角
 日本高田早苗政治學及比較憲法 二元
 憲法研究書 一元二角
 日本憲法義解 一元二角
 右為憲政類之書 二元
 日本野澤喜平次 政治學 一元二角
 政治學 一元二角
 日本戶水寬人 法制經濟通論 二元四角
 右為政治類之書 一元二角
 日本工藤重義 日本法制定要旨 一元
 日本清浦奎吾 日本明治法史 九角
 日本末岡精一 比較國法學 七角
 日本貫寬 國法學通論 一元七角
 日本織田萬 法學通論 一元七角

各種法律類各書
 日本富井政章 民法原論 一元二角
 日本清水澄 行政法論 一元二角
 右為法律類之書 一元二角
 日本土子金四郎 國債論 一元二角
 日本橫山雅男 統計通論 一元四角
 右為財政類之書 一元四角
 日本黑田日明 明治學制沿革史 一元二角
 日本小泉又一 歐美教育實際 一元二角
 右為學務類之書 一元二角
 自治論 七角
 歐洲大陸市政論 一元四角
 地方自治類之書 一元四角

各種法律類各書
 日本富井政章 民法原論 一元二角
 日本清水澄 行政法論 一元二角
 右為法律類之書 一元二角
 日本土子金四郎 國債論 一元二角
 日本橫山雅男 統計通論 一元四角
 右為財政類之書 一元四角
 日本黑田日明 明治學制沿革史 一元二角
 日本小泉又一 歐美教育實際 一元二角
 右為學務類之書 一元二角
 自治論 七角
 歐洲大陸市政論 一元四角
 地方自治類之書 一元四角

各種法律類各書
 日本富井政章 民法原論 一元二角
 日本清水澄 行政法論 一元二角
 右為法律類之書 一元二角
 日本土子金四郎 國債論 一元二角
 日本橫山雅男 統計通論 一元四角
 右為財政類之書 一元四角
 日本黑田日明 明治學制沿革史 一元二角
 日本小泉又一 歐美教育實際 一元二角
 右為學務類之書 一元二角
 自治論 七角
 歐洲大陸市政論 一元四角
 地方自治類之書 一元四角

各種法律類各書
 日本富井政章 民法原論 一元二角
 日本清水澄 行政法論 一元二角
 右為法律類之書 一元二角
 日本土子金四郎 國債論 一元二角
 日本橫山雅男 統計通論 一元四角
 右為財政類之書 一元四角
 日本黑田日明 明治學制沿革史 一元二角
 日本小泉又一 歐美教育實際 一元二角
 右為學務類之書 一元二角
 自治論 七角
 歐洲大陸市政論 一元四角
 地方自治類之書 一元四角

各種法律類各書
 日本富井政章 民法原論 一元二角
 日本清水澄 行政法論 一元二角
 右為法律類之書 一元二角
 日本土子金四郎 國債論 一元二角
 日本橫山雅男 統計通論 一元四角
 右為財政類之書 一元四角
 日本黑田日明 明治學制沿革史 一元二角
 日本小泉又一 歐美教育實際 一元二角
 右為學務類之書 一元二角
 自治論 七角
 歐洲大陸市政論 一元四角
 地方自治類之書 一元四角



天津商務印書館新書出版

天津分館開設河北大胡同電話五百二十六號

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋客等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等倘有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

得利

本行開設天津上海香港志呢華海參歲等處均設有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指留耳墜鐲子表墜大小八音盒並留聲話匣單雙桶千里眼砗蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也 本行主人啟

瑞林祥元

本號開設北京前門外鮮魚口天津估依街中間路北山東濟南府院西路北自置綢緞洋貨線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 鑲化屏風鏡額 磁銅料器磁藍 奇巧美術玩器 學界文房用品 旋行携帶等件 精工鑲身物料 鐵各色磨氈 現又擴充樓房 極其寬闊高大 如蒙官商光顧 價值格外從廉 隨便入覽 電話一千三百七十四號 天津法租界 武齋洋行謹啟

甘肅 電廣告

各報館鑒甘荒惟首 屬為最重有四年夫收者需賑銀四十餘萬兩已有半數現得透雨又無子種尚望提倡
以救災黎 甘肅士紳同叩

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災
去秋尤甚今春雨雪愆期近會甯碾伯及各上司又先後報災邊地高寒水泉素乏童山彌望生植不饒一遇旱乾
即成凶饉現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人
相食之慘窮民紛紛逃糧價日增麥已漲至每石三十六七兩稻草已漲至每斤二十七八文視向來不啻十倍
伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督
臣奏上 朝廷曾撥帑金六萬散諸災區勢難徧給非再有巨款接濟何能救此哀鴻夫天災流行國家代有救
災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣
未復禍機一發何堪設想今日之救甘民請命敬懇 仁人君子慨然解囊量力輸助以便彙寄該省活此窮黎庶幾上紓
國愛民之苦心同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上紓
朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處 北京驛馬市大街恆裕金店 天津獅子林北洋官報總局

速救黎災

敬告者現值甘肅省亢旱異常赤地千里小民直有易子為食之慘狀不忍聽聞亟應勸辦義賑以資協濟如蒙
諸紳商善長慨捐賑款請送至北馬路商務總會掣取收據以便彙解災區散放拯救黎黎不勝盼切之至此佈
天津救急善會謹啟

名醫到津廣告

啓者四川會建侯大令精岐黃歷在鄂豫京奉各局所當差所至俱以醫名屢起沉疴茲來津寓買家大橋福祿棧
有患病者幸勿失此機會特佈 錢聽彝啓

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

京奉鐵路局廣告

啓者本鐵路天津至北京又塘沽至胥各莊各段內應行別換舊道木約有一萬八千餘根其餘各段約有三四萬根現擬投標出售如願購買每根出價值若干開列封在信封內寄交本局華收支處彙齊定期開標特此佈聞

京奉鐵路局謹啓

京張鐵路局廣告

啓者現因山水瀑發由沙河至南口青龍橋來往之車暫行停駛此佈

京張鐵路車務處啓

減價賣字全數助賑廣告

僕寒士也向藉賣字度活今甘省荒旱異常凄慘萬狀日來紳商醫學各界紛紛倡議助賑接踵繼起實繁有徒殊堪欽佩僕一介窮儒願效綿力明知杯水車薪無裨時局然義務所在不敢不勉茲擬由六月初十日起結至九月初十日止計三個月仍仿上年江北水災賣字助賑辦法此次并照僕曩日原訂潤格切實核減以期簡捷易舉所得潤資全數匯解災區聊資補救如蒙賜件請送交北馬路華勝燭皂公司或舊北門內永泰合洋貨舖及東南城偶保德藥店代為交收潤資先付五日取件茲將酌減潤格列左

七言楹聯三角
四尺挑山八角
四尺屏幅四扇六角
名戳一角
四尺扇二角
密股不書

章武順連城謹啓